

OKVIRNI SPORAZUM

o uslugama održavanja IT opreme i LAN-a JU Zavod za medicinu rada Kantona Sarajevo

Zaključen između:

- JU ZAVOD ZA MEDICINU RADA KANTONA SARAJEVO**, Bulevar Meše Selimovića 2., ID: 4200298890007, koju zastupa direktor Prim.dr Samir Čovrk, spec.interne med. (u daljem tekstu **Naručilac**) i
- FIXIT d.o.o. Sarajevo**, ul. Zaima Šarca 34, Sarajevo, ID broj: 4202048930006, kojeg zastupa direktor Bandić Damjan (u daljem tekstu: **Izvršilac**), kako slijedi:

Član 1.

Predmet ovog Okvirnog sporazuma su usluge održavanja IT opreme i LAN-a JU Zavod za medicinu rada Kantona Sarajevo. Okvirni sporazum se zaključuje na osnovu provedenog postupka javne nabavke broj: 01-08-1454-3/19 od 15.12.2020. godine.

Sastavni dio ovog Okvirnog sporazuma je prihvaćena Ponuda Ponuđača broj: 251220/MC001-T od 29.12.2020. godine, sačinjena prema specifikaciji iz tenderske dokumentacije.

Član 2.

Okvirni sporazum se zaključuje na period od 12 mjeseci, odnosno najkasnije do finansijskog ispunjenja i izbora novog Izvršioca. Maksimalna vrijednost Okvirnog sporazuma iznosi **2.000,00 KM** (slovima: dvijehiljade KM).

Naručilac zadržava pravo potpune ili djelimične realizacije visine iznosa nabavljenih usluga po Tenderskoj dokumentaciji, a u skladu sa Zakonom o javnim nabavkama Bosne i Hercegovine. U okviru ugovorenog perioda za pojedinačne nabavke se neće primjenjivati odredbe propisa kojim se uređuje postupak javnih nabavki.

Član 3.

Izvršilac usluge se obavezuje da će na poziv Naručioca poduzimati potrebne radnje na popravci ili preventivnom održavanju IT opreme i LAN-a Zavoda.

Izvršilac usluge se obavezuje da će se odazvati na poziv i pristupiti popravci i servisiranju u roku od 1-24 sata od trenutka prijave kvara telefonskim putem.

Održavanje/popravka se vrši u toku radne sedmice.

Nakon što Izvršilac utvrdi stanje određenog kvara, dužan je prije popravke kvara i ugradnje rezervnih dijelova obavijestiti osobu Naručioca usluge o vrsti kvara i cijeni rezervnih dijelova koje je potrebno ugraditi. Naručilac usluge zadržava pravo provjere cijene rezervnih dijelova na tržištu i ukoliko su cijene više od realnih tržišnih cijena, zadržava pravo nabaviti potrebni rezervni dio od drugog dobavljača, a koji će Izvršilac usluge biti dužan ugraditi.

Član 4.

Nakon obavljene popravke Izvršilac je dužan popuniti i ovjeriti radni nalog sa specifikacijom usluge koja je obavljena sa nazivom i količinom ugrađenih dijelova.

Radni nalog potpisuju ovlaštene osobe Izvršioca usluga i Naručioca usluga.

Sve usluge potrebno je dokumentovati i dostaviti u pisanoj formi i/ili na e-mail.

Usluga na temelju nepotpisanog radnog naloga neće se platiti.

Član 5.

Osnov za plaćanje izvršenih usluga su fakture/računi i Okvirni sporazum potpisan sa JU Zavod za medicinu rada Kantona Sarajevo.

Naručilac se obavezuje da će za usluge iz člana 1. ovog ugovora plaćanje izvršiti u roku od 30 dana od dana ispostavljanje fakture.

Član 6.

Izvršilac usluge se obavezuje na čuvanje podataka u vlasništvu Naručioca i na potpunu tajnost, u šta ulaze tehnički podaci (vrste uređaja, konfiguracije uređaja, tipovi veza, i drugo), kao i korisničkih podataka (fajlovi, pristup bazama podataka i slično), te ni u kom slučaju nije dozvoljeno otvaranje i kopiranje bilo kakvih podataka (medicinska dokumentacija se smatra službenom tajnom i kopiranje iste suprotno zakonskim odredbama predstavlja krivično djelo).

Ukoliko nastanu bilo kakve štete prouzrokovane korištenjem ovih podataka, Izvršilac će snositi sve proizašle troškove, te će se ugovor trenutno raskinuti na njegovu štetu.

Član 7.

Svi uslovi iz tenderske dokumentacije broj: 01-08-1454-3/20 od 15.12.2020. godine, smatraju se sastavnim dijelom ovog Okvirnog sporazuma, te se zbog svoje obimnosti ne prilažu uz Okvirni sporazum. Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom nadležan je Sud u Sarajevu.

Član 8.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 9.

Ovaj Okvirni sporazum stupa na snagu danom potpisivanja obje ugovorne strane.

Član 10.

Okvirni sporazum je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.

ZA IZVRŠIOCA
DIREKTOR


BANDIĆ Damjan

ZA NARUČIOCA
DIREKTOR

Prim. dr Samir Čovrk
spec.interne med.

Broj: 1/21
Datum: 06.01.2021. godine.

Broj: 01-08-1454-6/20
Datum: 05.01.2021.godine.

Pripremila: Derviškadić Sabina 
Kontrolisala:
Bajrić Amra, dipl.iur, sekretar Zavoda 